

## Le arbore que habeva sete

Quando un compania de molbos un die passava un stagno, illes videva un arbore multo proxime al stagno. Le brancas del arbore pendea supra le aqua.

Illes se meraviliava e pensava sagemente que le arbore habeva sete e se extendeva verso le aqua pro poter biber.

Alora illes decideva de pietate que illes voleva adjutar le arbore a biber e tirar le brancas a basso verso le aqua. Ma le arbore esseva si alte que illes non poteva attinger le brancas.

Pro isto illes decideva que uno de illes debeva reper in alto in le arbore. Quando ille esseva la, un altere debeva prender le gambas del prime molbo, un tertie prender le gambas del secunde etc. Per tener le gambas le unes del alteres illes poteva traher le arbore verso le aqua con un corda.

Un excellente idea. Isto esseva immediatamente ponite in action. Ma quando illes ora omnes habeva un firme prisa in le altere, le manos del molbo superior comenciava doler – ille, qui teneva le arbore. Pro isto ille critava al alteres:

“Un momento, prende un pausa durante que io sputa in mi pugnos.”

Alora ille lassava le prisa con ambe manos pro sputar in illos, e omnes cadeva in le aqua.

Traduction: Thomas Breinstrup (2007)

## VOCABULARIO


**haber sete** besoniar qualcosa pro biber – **compania** gruppo – **passar** vader proxime a – **stagno** parve laco con aqua – **pender** extender, esser situate – **supra** in alto de – **meraviliar se** esser sorprendite – **sagemente** con intelligentia – **extender** devenir plus longe – **pietate** (sentir) tristessa – **tirar** traher – **atinger** toccar – **reper** camminar a quatro gambas – **verso** in le direction (de) – **firme** dur, fixate – **prisa** le action de prender – **superior** le plus in alto – **doler** dar dolor – **critar** parlar alteamente – **sputar** jectar liquido del bucca – **ambe** tote le duo




arbore



gamba



corda



branca



■ Mols es un parte geographic del peninsula danese Jutlandia. Mols es ric de collinas. Le habitantes de Mols es appellate *molbos* e es considerate un poco stupide per le altere daneses. Assi existe multe historias del molbos.

## QUESTIONES AL HISTORIA

Que videva le compania?	le arbore verso le aqua?
Describe le arbore.	Que occurreva con le manos del molbo superior?
Que pensava le molbos del arbore?	Que critava ille al alteres?
Que decideva le molbos facer?	Que occurreva allora?
Qual esseva le plano pro traher	